



ՓՐԿԶԻ ՀՐԱՇԱՓԱՌ ԵՎ ՍՈՒՐԲ ՀԱՐՈՒԹՅԱՆ ՏՈՆԻ ԱՌԹԻՎ
ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԷ ԵՎ
ԿԱԹՈՂԻԿՈՍ, ՆՈՐԻՆ ՍՈՒՐԲ ՕԾՈՒԹՅՈՒՆ
Տ. Տ. ՎԱԶԳԵՆ Ա ՀԱՅՐԱՊԵՏԻ ԵՎ ՔՈՒՅՐ
ԵԿԵՂԵՑԻՆԵՐԻ ՀՈԳԵՎՈՐ ՊԵՏԵՐԻ ՄԻՋԵՎ ՓՈԽԱՆԱԿՎԱԾ
ՈՐՋՈՒՅՆԻ ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ*

Ձերդ Սրբություն,
«Օրհնեալ է Աստուած և Հայր Տեառն մերոյ Յիսուսի Քրիստոսի, որ քստ
բազում ողորմութեան իւրում ծնաւ զմեզ վերստին ի յոյսն կենդանի ի ձեռն
յարութեան Յիսուսի Քրիստոսի ի մեռելոց» (Ա. Պետրոս, Ա. 3):

Մեր սիրտը լի ուրախության և գոհության զգացումներով, հղում ենք
Ձերդ Սրբությանը մեր եղբայրական ողջույններն ու լավագույն բարեմաղթու
թյունները մեր մեծ Աստծու և Փրկչի՝ Հիսուս Քրիստոսի հարության տոնի
առթիւ:

Այդ օրը բոլոր մարդիկ և առանձնապէս նրանք, ովքեր մկրտված են
Քրիստոսի մահվան և հարության խորհրդով, իրավամբ վերաապում են իրենց
ջերմեռանդ գոհությունները դէպի լուստ Հայրը, որը Քրիստոսի մեջ և Քրիս
տոսով հաշտեցրեց բոլոր մարդկանց իր հետ և մեզ վերահաստատեց խաղա
ղության մեջ՝ նրա խաչի արյունով: Քրիստոսի մահվամբ և հարությամբ մենք
մուտք ունենք մեր Հոր մոտ և այսպիսով դասակից ենք դառնում սրբերին և
բնակիչները Աստուծո տան, մենք, որ կառուցված ենք մարգարեների և առաք
յալների հիմքի վրա, այն հիմքի, որի անկյունաքարը հենց ինքը Քրիստոսն է:
Հաշտեցնելով մեզ Աստուծո հետ, հարուցյալ Քրիստոսը մեզ նույնպէս հաշ
տեցրեց միմյանց հետ: Նրա անձի մեջ դառնալով Աստուծո որդիներ, ճշմար
տապէս եղբայրներ ենք դառնում միմյանց հետ:

Մեր Տիրոջ մահվան և հարության ամենամյա այս տոնակատարությունը
մեր հույսի մեծագույն աղբյուրը չէ՝ միթե, այն աշխարհի նկատմամբ ունեցած
մեր հույսի, որն այնքան կարիք ունի նրան, մեր իսկ անձի նկատմամբ ունե
ցած մեր հույսի, որը մղում է մեզ վերանորոգվել մեր դատողության ոգեկան
կերպարանափոխությամբ և դառնալ նոր մարդ, որը ստեղծված է քստ Աստու
ծո՝ արդարության և ճշմարտության սրբության մեջ: Այդ հույսը մեր ուժն է:
Նա մեզ գոտեպնդում է՝ նրան և նրա եկեղեցուն ծառայելու մեր ջանքերի մեջ:
Նա գրավականն է նմանապէս մեր հաղթանակի այն ուժերի վրա, որոնք ձրգ
տում են մեզ թուլացնել և բաժանել, նսեմացնել եկեղեցու փայլը աշխարհի
առաջ և այդպիսով հապաղեցնել Աստուծո թագավորության անը:

Սուրբ Զատնի տոնակատարությունը թող Ձերդ Սրբությանը, ձեր ողջ
միաբանությանը և ձեր եկեղեցու հավատացյալներին բերի Տիրոջ ուրախու
թյան լիությունը: Թող նա, որ մեր հույսն է, այնպէս անի, որ մենք նրա անձի
մեջ ավելի սերտորեն եղբայրանանք միմյանց հետ այն պահին, երբ մենք
փոխանակում ենք Ձերդ Սրբության հետ խաղաղության համբույրը և երբ
վերստին արտահայտում ենք Ձեզ մեր եղբայրական սերը:

ՊԱՊ ՊԱՎԼՈՍ Զ

ՎԱՏԻԿԱՆ

* Տե՛ս նախորդ համարի 5-րդ էջը:

Ջերդ Սրբություն,

Լուսավորված մեր Տիրոջ սուրբ հարության ամենապայծառ լույսով և մեր սրտերում և շրթներին ունենալով «Քրիստոս յարեալ ի մեռելոց» քաղցրաւ ուր ողջունը, այժմ, երբ նորից է եկել այս մեծ և սուրբ տոնը, ողջոնում ենք Ջերդ Սրբությանը, նախ, որպեսզի Ձեզ հայտնենք մեր րնդհանուր ու քախությունը Հարության առթիվ, և երկրորդ՝ որպեսզի մենք իմանանք այն ճրջմարտությունը, որ Քրիստոսի աշակերտներն ենք՝ միացած սիրով և հուշով:

Հղելով այս նամակը Ջերդ Սրբությանը և հատնելով մեր սրտագին շնորհավորանքները Ձեզ, — որովհետև «Քրիստոս հարություն է առել մեռելներից և դարձել ննջեցյալների երախայրին», — աղոթում ենք, որ մեր Տիրոջ սուրբ հարության սփոփարար լույսը միշտ լինի Ջերդ Սրբության, ձեր եկեղեցու և նրա հավատացյալ ժողովրդի հետ:

Եղբայրական սիրով և մասնավոր հարգանքներով, Ձեր սիրալիր եղբայրը

ԱԹԵՆԱԳՈՐԱՍ

Տիեզերական Պատրիարք Հունաց

ՍՏԱՄԱՌՈՒԼ

* *

Ջերդ Սրբություն,

Ողջունում եմ Ձեզ Քրիստոսի հարության լուսավայծառ տոնի առթիվ և այդ կապակցությամբ խնդրում եմ ընդունել իմ եղբայրական համբույրը և ուրախությունը:

Թող հարուցյալ Փրկիչը մեր Հիսուս Քրիստոս օգնի մեզ ուրախանալու իր հարությամբ և մեր սրտերով ընդունելու իր ավետարանական պատգամը, որպեսզի մեր կյանքը անցնի խաղաղության, փոխադարձ սիրո և բարեպաշտության մեջ:

«Քրիստոս յարեալ ի մեռելոց»:

Հայցելով Ջերդ Սրբության աղոթքները, մնամ Ձեր նվիրված եղբայրը ի Քրիստոս:

ԱԼԵԿՍԻ

Պատրիարք Մոսկվայի և համայն Ռուսաստանի

ՄՈՍԿՎԱ

* *

Ջերդ Սրբություն, շատ սիրելի եղբայր,

«Քրիստոս յարեալ ի մեռելոց...»

Օրհնեալ է յարությունն Քրիստոսի...»:

Անձնապես մեր և Անտիոքի ու համայն Արևելքի առաքելական մեր եկեղեցու եպիսկոպոսական դասի և հավատացյալների անունից ի սրտե շնորհակալություն ենք հայտնում Ձեզ գաղական Ձեր եղբայրական ուղերձի առթիվ և փոխադարձաբար մենք նույնպես արտահայտում ենք մեր ջերմ բարեմաղթությունները Ջերդ Սրբությանը, ինչպես նաև ձեր եկեղեցու և նրա եպիսկոպոսական դասի ու հոտի բարօրության և երջանկության համար՝ խնդրելով հարուցյալ Փեկչին, որ հաջողություն շնորհի Ձեր գովարժան գործոց և մեզ բոլորիս առաջնորդի սիրո, արդարության և խաղաղության ճանապարհի մեջ՝ ի բարօրություն աշխարհի բոլոր ժողովուրդների:

Խնդրելով Ձեզ հիշել ինձ Ձեր աղոթքներում՝ անկեղծ ողջագուրանքով մնում եմ Ձեր եղբայրը ի Քրիստոս:

ԹԵՈԴՈՍԻՈՍ Զ.

Պատրիարք Անտիոքի և համայն Արևելքի

ԴԱՄԱՍԿՈՍ

*
* *

Որքան ուրախ եմ զատկական տոնի առթիվ Ձերոյ Սրբությանը հղելով իմ լավագույն մաղթանքները ծխական և ավանդական «Քրիստոս յարեաւ ի մեռելոց» օրհնեալ է յարութիւնն Քրիստոսի» խոսքերով: Սրբով եմ հղում ապա մաղթանքները Ձերոյ Սրբությանը, հոգևորականությանն ու ձեր բարեխոսությանը վստահված հավատացյալներին:

Առավել քան երբեկիցե մեր արտերը յի են վշտով Մերձավոր Արևելքի մեր ժողովրդի դրության և այն իրողության պատճառով, որ վերջին ժամանակների պատմության մեջ առաջին անգամ յիկելով քրիստոնյաներին չի թույլատրվում այցելել Երուսաղեմի սուրբ շիրիմը: Խնդրում ենք աղոթել մեզ և նրանց բոլորի համար:

Մենք տակավին հույս ունենք, որ հարուցյալ Աստվածը խաղաղություն կտա աշխարհին և հատկապես՝ իր սուրբ երկրին:

Խնդրում եմ Տիրոջը, որ Ձերոյ Սրբությանը առատորեն բաշխի իր հարության ուրախությունը և օրհնի Ձեզ և ձեր հոգևորականներին ու հավատացյալ ժողովրդին:

Եղբայրական սիրով և ողջույններով Ձեր անձնվեր եղբայր ի Քրիստոս՝

ՄԱՔՍԻՄՈՍ Ե

Պատրիարք Ամտիոքի և համայն Արևելքի

ԴԱՄԱՍՍՈՍ

*
* *

Ծնորհակալ ենք Ձեր զատկական ուղերձի համար: Իսկապես մեր Տեր Հիսուս Քրիստոսը մեռելներից հարություն առավ և հարություն տվեց մեզ, որ մեր մեղքերի մեջ մեռած էինք և մահվան տիրապետության տակ էինք գրուցվում:

Իր հարության այս փառավոր օրը մեծ ուրախության օր դարձրեց համայն մարդկության համար, քանի որ այն հաղթանակի, իսկական ազատության և այլ երկնային օրհնությունների օրն է: Ուստի այս հրաշալի օրը մենք մեծապես ցնծում ենք, արտագին ողջունում Ձեր հղած ուղերձը և Ձերոյ Սրբության հետ փոխանակում անկեղծ ողջույններ այս ուրախ առիթով: Թող հարուցյալ Տերը պահի Ձեզ և իր մեծագույն օրվա օրհնությունները տեղա Ձեր և ձեր հավատացյալ ժողովրդի վրա: Թող իր շնորհը Ձեզ հետ յիկի:

ԻԳՆԱՏԻՈՍ ՀԱԿՈԲ Գ.

Սիրիայի օրթոդոքս եկեղեցու
և համայն Արևելքի Պատրիարք

ԴԱՄԱՍՍՈՍ

*
* *

«Քրիստոս յարեաւ ի մեռելոց»:

Այս բառերը հնչեցին ամբողջ աշխարհով մեկ և կհնչեն հավերժ:

Եկեղեցու զատկական պայծառ հաղթանակը բարոյական վերածնունդի անսպառ աղբյուր է: Եվ ինչպես ամեն մի աղբյուր հագեցնում է միայն ծարավ զգացողի և այդ աղբյուրի կենդանացնող ջուր որոնողի ծարավը, այնպես էլ եկեղեցին իր բարոյական վերածնունդի աղբյուրներով իր բարերար ներգործությունն է անում միայն նրանց վրա, ովքեր իրենց շրթները մոտեցնում են այդ աղբյուրին:

Աղոթենք, որ հարուցյալ Տերը շարունակի ներշնչել մեզ և պաշտպանել մեր բոլոր ջանքերը, որոնք կատարվում են իր անվան փառքի համար:

Թող Տերը պահի-պահպանի մեզ գալիք բոլոր օրերում:

ԵԺՐԵՄ Բ

Կաթողիկոս-Պատրիարք համայն Վրաստանի

ԹԲԻԼԻՍԻ

*
*
*

Ձերդ Սրբություն,
Ծատ սիրելի եղբայր մեր ի Քրիստոս,
Լույսով առեցուն հոգով Ձերդ Սրբությանը հղում ենք քրիստոնեական
հազարամյա ողջույնը:

«Քրիստոս յարեալ ի մեռելոց»:

Էանկանում ենք, որ սրբազան ոգեկոչումը և վսեմագույն վերապրումը
աստվածային այն գործերի, որոնց միջոցով կատարվեց մարդկության փրկ-
ությունը, մեզ՝ քրիստոնյա եկեղեցիների պետերիս, մղի ավելի խորը մտա-
ծե ու այն պատճառների մասին, որոնք արգելակում են, որ քրիստոնյա աշ-
խարհը,—դեռևս չխոսելով համայն մարդկության մասին,—վայելի այն բոլոր
բարիքները, որոնք տրամադրված են Աստուծո մեծ սիրով և խաչի վրա իր
գոհաբերությամբ կնքված նրա Որդու վսեմ ուսմունքի քարոզչությամբ:

Մենք՝ քրիստոնյա եկեղեցու պետերս, գտնում ենք, որ սուրբ պարտա-
կանություն ունենք ամեն կերպ աշխատել, որ բազմապատկենք սերը մեր
նմանի նկատմամբ, որպեսզի վերջ գտնեն աշխարհի տարբեր մասերում նյու-
թական պակասությունները և բարոյական ստորացուցիչ տառապանքները:

Մեր ամբողջ ուժով պետք է նպաստենք այն բանին, որ աշխարհը դրվի
սիրո և ճշմարտության, բարի հասկացողության և խաղաղության հիմքերի
վրա:

Վերջապես մաղթում ենք Ձերդ Սրբությանը տոնել սուրբ Զատիկը լիա-
կատար ստողությամբ, հոգևոր խնդությամբ և աստվածային լույսով ձեր
սուրբ եկեղեցու եպիսկոպոսների, քահանաների և հավատացյալների հետ
մեկտեղ՝ լցված մեր Տեր Հիսուս Քրիստոսի հարությամբ ընծայված բոլոր
բարիքներով և նվերներով:

Սրբազան համբույրներով Ձեզ ողջագործելով, մնում ենք Ձերդ Սրբու-
թյան եղբայր ի Քրիստոս՝

ԺՈՒՍՏԻՆԻԱՆ

Պատրիարք Ռումինիայի

ԲՈՒԽԱՐԵՍՏ

*
*
*

Աստուծո կամքով մենք նորից զատկական օրվա լույսի և ուրախության
մեջ ենք գտնվում: Եվ նորից եղբայրական անկեղծ ջերմությամբ դիմում ենք
Ձերդ Սրբությանը հավերժ ողջույնով. «Քրիստոս յարեալ ի մեռելոց»:

Մեր անունից և մեր սուրբ Սինոդի անունից ողջունում ենք Ձերդ Սրբու-
թյանը, ջերմագին աղոթում ենք, որ Աստուծո սուրբ Զատիկը հոգեկան ուրա-
խությունների անսպառ աղբյուր դառնա Ձեր արդյունավետ ծառայության մեջ՝
ի փրկություն հավատացյալների և ի փառս Աստուծո եկեղեցու:

Հայցելով Ձեր աղոթքները, մնամ Ձերդ Սրբության սիրեցյալ եղբայր ի
Քրիստոս:

ԿԻՎԻՂ

Պատրիարք Բուլղարիայի

ՍՈՖԻԱ

*
*
*

Թանկագին եղբայր ի Քրիստոս,

Սիրով ու անկեղծ հարգանքով շնորհավորում ենք Ձեզ Քրիստոսի հարու-
թյան լուսապայծառ տոնի առթիվ՝ հղելով Ձեզ և մեր քույր հայ եկեղեցու հոգե-
վորականներին զատկական շնորհավորանքը՝ Քրիստոս հարյավ ի մեռելոց:

Թող ամենակարողն Աստված օգնի՝ աշխարհի համայն մարդկությանը և պարզևի նրանց ամենայն ուրախություն՝ իրենց աստվածամկեր ծառայության մեջ:

Եղբայրական սիրո ողջունիվ՝

ՀԵՐԱՍՆՆ

Պատրիարք հաճախ Երբիայի

ԲԵԼԳՐԱԴ

* *

«Քրիստոս յարեալ ի մեռելոց»:

Սրտանց ողջունում եմ Ձեզ Քրիստոսի հարության լուսապայծառ տոնի առթիվ: «Քրիստոս յարեալ» քրիստոնեական այս հնագույն ողջույնը սիրով է լցնում մեր սրտերը:

«Խաղաղություն թողում ձեզ, զխաղաղություն զիմ տամ ձեզ» (Յովն. Ժ. 27)՝ այս խոսքերով հայտնվեց իր աշակերտներին հարուցյալ Փրկիչը:

Թող Քրիստոսի խոր և անկապտելի խաղաղությունը թագավորի ամբողջ աշխարհում:

Թող Քրիստոսի հարության կենարար ուժը ամրապնդի Ձերո Սրբության ուժերը՝ ի փառս Աստուծո և ի բարօրություն ժողովրդի:

«Օրհնեալ է յարութիւնն Քրիստոսի»:

Եղբայրական սիրով և նվիրվածությամբ ի Քրիստոս՝

ՍՏԵՖԱՆ

Միտրոպոլիտ Վարշավայի և համայն Լեհաստանի

ՎԱՐՇԱՎԱ

* *

Սրբազնագույն Վեհափառ,

«Քրիստոս յարեալ ի մեռելոց»:

Քրիստոսի հարությամբ սկսվեց մարդկության կյանքում նոր դարաշրջան՝ Աստուծո Նոր Կտակարանի ժամանակաշրջանը մարդկանց համար: Հասալ բարեփոխության թագավորությունը՝ փրկություն ստանալու հնարավորությամբ լի: Սուրբ Ավետարանի ճառագայթներով մարդու սիրտը սկսեց ընդունել Աստուծո բարեգործության նոր ուժեր, որոնք ուղղություն են տալիս նրան ի կատարումն պատվիրանաց:

Ոգեշնչված մեր ընդհանուր ուրախությամբ, սրտանց շնորհավորում եմ Ձեզ, Ձերո Սրբություն, և ձեր սուրբ եկեղեցու հոգևոր եղբայրներին՝ ցանկանալով քաջատոգություն, հոգեկան անդորրություն և երկար կյանք:

Քրիստոսի հարության ուրախությունը թող միշտ միացնի մեզ եղբայրական սիրով, որպեսզի մենք մեր անասան ուղղափառ հավատքով և գործերով կարողանանք վկայել ամբողջ աշխարհին Աստուծո կամքը՝ խաղաղության ամրապնդումը, ժողովուրդների համակեցությունը և բոլոր քրիստոնյաների մերձեցումը՝ հանուն կենարար Քրիստոսի ընդհանուր հաղթանակի:

Ձերմագինս ողջագործելով համբուրում եմ Ձերո Սրբությանը՝ սուրբ աղոթքներ հայցելով մեզ և մեր եկեղեցու համար:

Շատա և եղբայր ի Քրիստոս՝

ԴՈՐՈՏԵՑ

Միտրոպոլիտ Պրագայի և համայն Չեխոսլովակիայի

ՊՐԱԳԱ

Երկինք և երկիր ուրախության մեջ են, հրեշտակները և մարդիկ ողջունում են միմյանց.

«Քրիստոս յարեալ ի մեռելոց»:

Երկնքի և երկրի Արարիչը՝ մեր փրկության համար մարդացած և խաչված Փրկիչը, երրորդ օրը հարություն առնելով, սկիզբ դրեց բոլոր մարդկանց հարության:

Ուրախությամբ և տոնականորեն տրամադրված մտածումներով ողջունում ենք Ձերդ սիրեցյալ Սրբությունը:

Ամբողջ սրտով աղոթում ենք Ձեր քաջատոգության համար, որպեսզի բարձրալի Աստված հոգեպետ և մարմնապետ գորացնի Ձեզ՝ Հայաստանյայց ա. եկեղեցու առաքելության և պաշտոտության նվիրված Ձեր աստվածահաճո աշխատանքներում:

Մնամ միշտ Ձերդ Սրբության եղբայր ի Քրիստոս՝

ՄԱԿԱՐԻՈՍ

Արքեպիսկոպոս Կիպրոսի

Ն Ի Կ Ո Ջ Ի Ա

* *

Ծնորհակալություն հայտնելով Ձեր գատակալան ողերձի առթիվ, խրկում ենք Ձերդ Սրբությանը ընդունել իմ եղբայրական ջերմ մաղթանքները, Աղոթում ենք հավերժ կենդանի Քրիստոսին, որ խաղաղություն շնորհի եկեղեցուն, բարգավաճում՝ մարդկային ցեղին, և պահպանություն՝ մեր սիրեցյալ ժողովրդին:

ԿԱՐԴԻՆԱԼ ԱՂԱՋԱՆՅԱՆ

Վ Ա Տ Ի Կ Ա Ն

* *

Թող գատակալան ուրախությունն ու լույսը մարդկանց սրտերից հեռու վանեն տխրությունն ու խավարը:

ԲԼԵՅԿ

Եկեղեցիների համաշխարհային խորհրդի
ընդհանուր քարտուղար

Ժ Ն Ե Վ

* *

Մեր Տեր Հիսուս Քրիստոսի փառավոր հարության տոնի առթիվ սիրով ողջունում ենք Ձերդ Սրբությանը եպիսկոպոսական եկեղեցու անունից:

Բոլոր քրիստոնյաները հարություն առան Քրիստոսի հետ: Այս ծանր օրերին մեր կարևորագույն պարտականություններից մեկն է հայտարարել երկրի վրա թագավորության միասնությունը հոգու գորության միջոցով:

Այս տոնի առթիվ խնդրում ենք Ձերդ Սրբությանը մեզ հետ աղոթել, որ մեր Հայրը, սուրբ Հոգու գորության միջոցով, միավորի ամբողջ մարդկությանը իր Որդու թագավորության մեջ, մեկ հավատքի և մեկ եկեղեցու մեջ:

Ամենայն լավագույն մաղթանքներով աղոթում ենք Ձերդ Սրբության քաջատոգության, արդյունավետ աշխատանքի և ձեր մեծ եկեղեցու ժողովրդի համար:

Ձեր սիրելի եղբայրները ի Քրիստոս՝

ՋՈՆ ԷԼԲԻՄՋ ՀԱՅՆՋ

Գերագան եպիսկոպոս

ԼՈՐԻՍՏՈՆ ԼԵՎԻՆԳՍՏՈՆ ՍՔԵՅՅ

Արևմտյան Նյու-Յորքի եպիսկոպոս

Ն Յ Ո Ւ - Յ Ո Ր Ջ

* *

Սրտագին շնորհավորում եմ Ձերդ Սրբությանը՝ սուրբ Զատիկի տոնի առթիվ: Ցանկանում եմ քաջատոջություն, երկար կյանք:
Քրիստոս հարյալ ի մեռելոց:

ԳՈՒՍՏԱՎ ՏՈՒՐՍ

Լատվիական ՍՄՀ ավետարանական-լուսնական
եկեղեցու արքեպիսկոպոս

Ռ Ի Գ Ա

* *

Ձերդ Սրբություն,
«Օրհնեայ է յարությունն Քրիստոսի, Այելուիս»:
Հաճությո՛ւ ստացանք սուրբ քաղաքի՝ Երուսաղեմի Ֆրանչիսկյան մշա-
քանությանն ուղղված Ձեր գատկական շնորհավորանքները:

Եվ մինչ մենք նախապատրաստվում ենք տոնելու Քրիստոսի հրաշափառ
հարությունը այն նվիրական մատուռում, որն իր մեջ ամփոփում է մեր Տի-
րոջ գերեզմանը, որտեղից նա դուրս եկավ Զատիկի օրը որպես մահվան հաղ-
թանակիչ, մեր եղբայրական աղոթքների մեջ մենք չենք մոռանա Էջմիածնի
եկեղեցու Գերագույն Հովվին, ողջ միաբանությանը և Ձեր հոգևոր խնամքին
վստահված ամբողջ քրիստոնյա ժողովրդին:

Ձերդ Սրբության անձի քաջատոջության և գործոց հաջողության ամե-
նանկելո՛ւ մաղթանքներով՝ մնում եմ Ձեր եղբայր ի Քրիստոս:

ԼԻՆՈՒՍ ԿՈՊՊԻԵԼԼԻ

Կուստոդ Ֆրանչիսկյան միաբանության

Ե Ր Ո Ւ Ս Ա Ղ Ե Մ

* *

Ձերդ Սրբություն,
Խորապես զգացված իմ համեստ անձին ուղղված Ձերդ Սրբության այն-
քան սիրալիր բարեմաղթություններից, ինչպես նաև Արարատի հիասքանչ
պատկերից, որը միշտ իմ աշխատանքի սեղանի վրա է, գալիս եմ, գատկա-
կան ուրախությամբ, արտահայտելու Ձերդ Սրբության նկատմամբ իմ ամե-
նաանկելո՛ւ և հարգալից զգացումները:

Այս ամառ պատմական ուսումնասիրությունների նպատակով մտադրվել
եմ որոշ ժամանակ անցկացնել Հայաստանում: Ձերդ Սրբությանն արդյոք
հաճելի՞ է այս ծրագիրը:

Կանխահայտ շնորհակալությամբ խոնարհվում եմ ստանալու համար
Ձեր օրհնությունը և խնդրում եմ ընդունել դեպի Տերը իմ ունեցած կրոնական
հարգանքի հավաստիքը:

ՇԱՌՆ ՌՅՈՒՊ

Եպիսկոպոս Մոնակոյի

Մ Ո Ն Ա Կ Ո

* *

Վեհափառ Տեր,

Քրիստոսի հրաշափառ Հարության սուրբ լույսով առեցուն, Մխիթար
աբբահոր որդիներս կու գանք ջերմորեն ողջունելու Ձերդ Վեհափառությու-
նը և ներկայացնելու մեր անկելո՛ւ շնորհավորությունները:

Փրկչին շնորհաբաշխ լույսեն թող ճառագայթեն խաղաղության, արդատության և սիրո նշույլները՝ տառապակոծ մարդկության վրա, ու պայծառանա մանավանդ հայ շինարար ժողովուրդը, Արարատի ստորոտեն մինչև ի սիրտըս աշխարհի:

Հավատքի ջահը մշտարժարժ թող մնա հայ հոգիներուն մեջ, իբր երաշխիք հավերժական հաղթանակի և անհաճության:

Աղոթող եմք, որ Հարության լույսը պայծառակերպե մահ Չերդ Վեհափառության կյանքն ու գործունեությունը ընդ երկայն ավուրս և շնորհն սուրբ Էջմիածնի ուխտիդ արդյունաշատ հոգևոր բեղմնավորում:

Ամենախորին մեծարանքով՝

Հ. ՀՄԱՅԱԿ ՎԱՐԴԱՊԵՏ ԿԵՏԻԿՅԱՆ

Ընդհ. աբբահայր Մխիթարյան միաբանության

ՎԵՆԵՏԻԿ

* * *

Օրհնյալ է հարությունն Քրիստոսի.

Չեր Վեհափառության հարությունաբույր գիրն ողջունի՝ Քրիստոս հարյալ ի մեռելոց, խորապես կարճագանքե հոգիես ներս: Չերմ զգացումներով կփութամ պատասխանել. Օրհնյալ է հարությունն Քրիստոսի:

Չերմագինս կձայնակցիմ Չեր Վեհափառության աղոթքներուն, որ մեր Փրկչին՝ Հիսուսի լուսափայլ հարության ճառագայթները հայեցեն և հեռուցեն եղբայրական սիրտ և միության բոլոր արգելքներն ազգերու միջև:

Կենսանորոգ լույսը Քրիստոսի հարության շողշողա մարդկության վերև, իբր առաջնորդ աստղը դեպի խաղաղություն և համերաշխություն:

Այս ս. հարության նվիրական զգացումներուն կմիանամ աղոթքի սրուգին իղձերս, որ հարուցյալ Փրկիչը Չեր Վեհափառության արդյունա, ի կյանքը երկար և շատ երկար պահե քաջատողջ, ի պայծառություն և հոգուտ մեր սիրելի ազգին և թանկագին հայրենիքին:

Ամենախոր եղբայրական սիրտ փոխադարձ զգացումներով, միամ ի Քրիստոս աղոթակից՝

ՄԵՍՐՈՊ ՀԱՊՈՉՅԱՆ

Արքեպ. և Ընդհ. աբբահայր

Մխիթարյան միաբանության

ՎԻԵՆՆԱ

